

ՎՏՆՏԵԱՅԻՆ
ԲՐԻԳԱԴԱՅԻՆ
Ի ՔԵՐՔԵՐԻ
ԳԵՐՆԵՐԻ ՀԵՌԱՍ
ԱՐԵՐԱՅԻՆԵՐ:

крестьянская **խոհանոց**
Газета ՀԱՅԱՍՏԱՆ

ԻՆՅՈՍ ԼԵՎՈՒ

ՈՒՄՆԴԱԿ ԶԵՌՆԱՐԿ ՀԱՅՈՑ ԼԵԶՎԻ ԿՈՆՍՈՒԼ-
ՏԱՆՏԻ ՅԵՎ ՀԵՌԱԿԱՅՈՂՆԵՐԻ ՀԱՄԱՐ

Գառախոսարքուն 5-րդ

Կողմէյ Հ. ՀԱՐՈՒԹՅՈՒՆՅԱՆ

Խմբագրէյ պրոֆ. Մ. ԱԲԵՂՅԱՆ

(Բ) Կ ԿԿ
ԱՐԱԿՉՈՒԹՅՈՒՆ
ՈՅԻՆ

ՀԱՅԱՍՏԱՆ,
ԷՆ 1937 թ.

2-42

Հ ԳՐԱՆՈՒԹՅԱՆ Ե ԼՐԱՒ ԻՆՏԵՐՆԱԿԱՆ ԿԵՆՏՐՈՆ

Յ Ե Ր Կ Ո Ւ Խ Ն Ո Ս Ք

Հայոց լեզվի դասընթացի նպատակն և կոտնտեսային և բրիգադային պատի թերթերի խմբագիրներին ու թղթակիցներին սովորեցնել՝ իրենց մտքերն արտահայտել պարզ ու ճշտորոշ

Այդ ունակութիւնը ձեռք բերելու համար հեռակայողը նախ պետք և կարողանա ազատ կարդալ, առանց տատախալների ու կետագրական սխալների գրել և նյութը դասավորել վորոշ ճրագրով: Նա պետք և կարողանա նաև յերգիծանք մտցնել իր վորոշ նյութերի մեջ, վորպեսզի ավելի հետաքրքիր ու գրավիչ դարձնի թերթը, ավելի շատ ընթերցող ներգրավի, վորով և ավելի լավ կհամարի իր նպատակին:

Հայոց լեզվի կոնսուլտանտը հենց այս նպատակներն և պետք և հետապնդի:

Հեռակայողներին լեզվի հատուկ դասապիք չի ուղարկվում: Լեզվի կոնսուլտանտն ինքը, նկատի ունենալով հեռակայողների պատրաստութեան, և յուրաքանչյուր խմբի հետ պարապել առանձին դասընտրել մասսայական դպրոցների համար հրատարակված դասագրքերից: Կարելի յե նաև դասագրքի փոխարեն ողտագործել վորևե տրպագիր թերթ (չրջանային, կենտրոնական), հենց հեռակայողների լույս ընծայած պատի թերթերը և այլն:

Կարելի յե հեռակայողներին խմբերի բաժանել՝ ըստ նրանց պատրաստութեան, և յուրաքանչյուր խմբի հետ պարապել առանձին դասագրքով:

Սույն «Ռժանդակ ձեռնարկ»-ը, վոր կազմված և դոյութիւն ունեցող քերականութեան դասագրքերի ողտագործումով, նպատակ ունի վորոշ չափով նպաստել լեզվի կոնսուլտանտի աշխատանքին: Սրա մեջ դրված և հայոց լեզվի քերականութեան համառոտութիւնը, վորը կոնսուլտանտի համար ուղեցույց կլինի, իսկ հեռակայողների համար՝ ոժանդակ նյութ՝ կոնսուլտանտի անցածն ավելի լավ յուրացնելու համար:

Հասկանալի յե, վոր այսքան փոքրածավալ գրքուցիւմ հնարավոր չէր քերականութեան բոլոր կանոններն իրենց բոլոր մանրամասնութիւններով դետեղել: Գիրքը կազմելու հաշիվ յենք առել, վոր պակասը կլրացնեն լեզվի կոնսուլտանտները, վորոնք չրջանային կենտրոնի դպրոցի լավագոյն դասատուներից են լինելու:

Պարասրմունքի ընթացքում գլխավոր շեշտը պիտի դնել գործնական աշխատանքի վրա: Դասախոսութեան սխտեմով լեզու սովորեցնել

2181



հնարավոր չե: Հեռակայողներին շարունակ դործնական աշխատանքներ պիտի տալ և հենց այդ աշխատանքներն ուղղելու ընթացքում սովորեցնել քերականութեան հիմունքները, ընդունված կանոններն ու սրենքները:

Ամբողջ ձեռնարկը բաժանված է 8 դասի (յուրաքանչյուր դասը յերկու ահադեմիական ժամ), վերի հետևանքով նյութը ծայրահեղորեն խտացված է: Սակայն այդ արված է նկատի առնելով այն համաձայնքը, վոր պարապմունքները վերջանալուն յերկար ժամանակ չի մնացել: Տեղական պայմաններից յելնելով, յեթե ժամանակը ներում է, կոնսուլտանտը կարող է դասերի թիվն ավելացնել, վորով ավելի շատ ժամանակ կունենա նյութը մանրամասնորեն անցնելու համար:

ԿԱԶՄՈՂ

ՀՆՅՈՒՆ, ՏԱՌ, ՎԱՆԿ

Հնչյունն և տառ.— Հնչյունի պրավոր արտահայտութիւնը կօչ-
վում է դիր կամ տառ: Հայոց լեզվի այբուբենն ունի հետևյալ
տառերը. ա, բ, գ, դ, ե, զ, է, ը, թ, ժ, ի, լ, լւ, ծ, կ, հ, ճ, զ,
ճ, մ, յ, ն, շ, ո, չ, պ, ջ, ու, ս, վ, տ, բ, ց, լ, փ, ք, օ, ֆ:
Բացի սրանից կան նաև «և» նշանադիրը, վոր յ+ե+ւ տառերի
միացութիւնն է և արտահայտում է յեվ հնչյունները:

«Ու» հնչյունի համար առանձին տառ չկա մեր այբուբենում, այլ
դա դրվում է «ո+ւ» յերկտառով: Ի, Ի, Օ տառերը գործածվում են
հին գրքերում: «է» տառի հնչյունն է «Ե», «Ի» տառինը՝ «Վ» կամ
«Ու», իսկ «Օ» տառինը՝ «Ո»:

Հնչյուններից կազմվում են բառեր, բառերից՝ նախագասութիւն-
ներ կամ խոսքեր, վորոնցով արտահայտում ենք մեր մտքերը:

Մեր հնչյուններից վեցը ձայնավոր են (ա, ե, ը, ի, ո, ու),
մնացածը՝ բազաձայն:

Վանկը կազմվում է մեկ կամ մի քանի հնչյունից: Մեկ հըն-
չյունն առանձին կարող է վանկ կազմել միայն այն դեպքում, յերբ
ձայնավոր է: Յեթե վանկը կազմված է մի քանի հնչյունից, դրանից
ձայնավոր է միայն մեկը:

Միավանկ և բազմավանկ բառեր.— Յեթե բառի մեջ միայն մեկ
ձայնավոր կա, բառը միավանկ է: Յեթե մեկից ավելի ձայնավոր կա,
բառը բազմավանկ է:

Միավանկ բառեր.— Հավ, ոճ, ձի, դեռ, ջուր:

Բազմավանկ բառեր.— Աթոս, ապակի, մթնել=մըթնել, վարե-
լահող, սոսկապատմով, կոլտնտեսական, գասախոսութիւններ:

Տողադարձ.— Մի բան գրելիս, յերբ ամբողջ բառը մի տողի
վերջում չի տեղափոխվում, տողադարձ ենք անում, այսինքն՝ բառի
մի մասը տանում ենք հաջորդ տողը: Այդ դեպքում տողի վերջում
գրվում է յենթամաս (-) նշանը:

Տողադարձի ժամանակ բառը բաժանում ենք վանկերի և ամբողջ
վանկը կամ վերի տողումն ենք գրում, կամ տակի տողն ենք անց
կացնում: Վանկը կիսել չի կարելի: Դրա համար պետք է լավ լ-
մանազ բառերը վանկերի բաժանելու կանոնը:

Բառերը վանկերի բաժանելիս՝

ա) Յեթե յերկու ձայնավորների միջև կա մեկ բազաձայն, այդ

բաղաձայնը տրվում է հաջորդ վանկին (ա-սա, ա-պա, Ա-վո, կա-տու, փո-ղոց, ա-սլա-հով, ա-մե-նա-դո-րեղ) :

բ) Յեթե յերկու ձայնավորների միջև կա յերկու բաղաձայն, մեկ բաղաձայնը տրվում է նախորդ վանկին, մյուսը՝ հաջորդին (կար-միր, պատ-կեր, Վար-դան, ար-տա-կարգ) :

դ) Յերկու ձայնավորների միջև յերկուսից ավելի բաղաձայն լինելու դեպքում վերջին բաղաձայնը պիտի տալ հաջորդ վանկին, մյուսները թողնել նախորդին (յերկ-րա-դունդ, արթ-նա-նալ) :

դ) Բառերի մեջ «ը» ձայնավորը սովորաբար չի գրվում. որին նակ՝ գրում ենք՝ մկրատ, սրտակից, մղկատալ, բայց արտասանում ենք, մբկրատ, սբրտակից, մբղկրտալ : Տողադարձ անելիս «ը» ձայնավորը միշտ գրվում է իրարից բաժանված վանկերի մեջ. որինակ՝ դբտ-նել, քաղ-ցըր, մբղ-բատ, սբը-տա-կից, մբղ-կը-տալ :

Ձայնափոխությունն. — Յեզր բառերից հետո նոր վանկ է ավելանում և շեշտն անցնում է գրա վրա, բռոի վերջին վանկի ձայնավորը, շեշտը կորցնելով, մի շարք դեպքերում փոխվում է մի ուրիշ ձայնավորի կամ բաղաձայնի, կամ թե դուրս է ընկնում. որինակ՝ յերկիր-յերկրային, սիրտ-սբրտակից-սրտակից, ալի-ալիեդործ, բարի-բարություն, ձու-ձվածև, դարթուն-դարթնել, ջուր-ջըրաման-ջրաման, կես-կիսել, մատյան-մատենավար, լույս-լուսավոր, պաշտոնյա-պաշտոնեյություն :

Ա Շ Խ Ա Տ Ա Ն Ք

1. Անգիր իմանալ և գրել հայերենի այբուբենն ընդունված հաջորդականությամբ : Գրել ձայնավոր տառերն առանձին :
2. Գրել 10 միավանկ բռո, 20 բազմավանկ բռո :
3. Վանկերի բաժանել հետևյալ բառերը՝ մատիա, տետրակ, առաստաղ, յերկրադործ, պատրվակ, կրունկ, բերքահավաք, դասընթաց, հրատարակչություն, անտիտեստավարություն, հարվածային, գլոգլոգլել, խաչակ :

Ս Տ Ո Ի Գ Ի Չ Հ Ա Բ Յ Ե Ր

- ա) Վո՞րն է վանկի հիմքը :
- բ) Վանկերի բաժանման որենքը յե՞րբ է հարկավոր լինում մեզ :

ԲԱՌԱԿԱԶՄՈՒԹՅՈՒՆ

ՊԱՐԶ, ԲԱՐԴ, ՅԵՎ ԱԾԱՆՅԱՎՈՐ ԲԱՌԵՐ. ԱՐՄԱՏ

Բարդ բառերը կազմվում են յերկու (սակալ անդամ՝ յերեք) բառի միացումից: Որինակ՝ կոչկահար բառը բազկացած և կոչիկ և կար(ել) բառերից: Բարդ բառերի յերկու բաղադրիչ մասերի միջև սովորաբար դրվում և «ա» ձայնավորը (հողակապ), որինակ՝ դաս-ա-դիրք: Բայց կարող և լինել նաև առանց դրան: Որինակ՝ հաց-թուխ:

Ածանցական բառերը կազմված են մեկ բառից կամ արմատից և մեկ ածանցից (ընկեր+ական. մատ+նոց, ձի+ավոր, հիանալ):

Ածանցները կամ ածանցական մասնիկներն առանձին վերցրած՝ իմաստ չունեն, բայց յերբ սկզբից կամ վերջից միանում են բառին, նրան նոր իմաստ են տալիս. (ձի՝ կենդանի յե, ավոր՝ առանձին վերցրած իմաստ չունի, ձի+ավոր՝ ձի նստած մարդ):

Բառի սկզբից միացող մասնիկները կոչվում են նախածանց (ան+աուն, դժ+բախտ, օ+գետ), իսկ բառի վերջից միացողները՝ վերջածանց (ող+ալին, հարվածային, ստախանովական, լիպտեղեն, լիողջային, գետակ):

Պարզ կամ արմատական բառ կոչվում են այն բառերը, վորոնք վոչ բարդ են և վոչ էլ սկզբից կամ վերջից վորեն մասնիկ ունեն. որինակ՝ հաց, հող, վոչխար, բաժակ:

Արմատը բառի այն պարզ մասն և, վոր մենակ չի դործածվում իբրև առանձին բառ, այլ դործածվում և ածանցների հետ միացած, կամ ուրիշ բառերի հետ բարդված. որինակ՝ հի արմատից, վոր իբրև բառ չի դործածվում, կազմվում են՝ հիանալ, հիացում, հիասթափվել:

Ծանոթ. — Ածանցական բառերը կարող են կազմվել նաև բարդ բառերից (դասակարգ-ային, մատենադր-ական, լիպտեղ-ուլթյուն), ինչպես և ածանցական բառերից (ժողով-ուրդ, ժողովրդ-ական, ժողովրդական-ուլթյուն, համա-ժողովրդական և այլն):

Բարդ բառերը ևս կարող են կազմվել ածանցական բառերից, որինակ՝ ժողովուրդ, ժողովրդասեր:

ԿՐՃԱՏ ԲԱՌԵՐ. — Մեր լեզվում ինչպես նաև խորհրդային մյուս ժողովուրդների լեզուների մեջ, դործածվում են մի քանի բառերի

կրճատ միացման ձևվեր. դրա համար վերցնում են.

ա) Մի բառն ամբողջութեամբ, մյուս բառի մի մասը (առբաժին — առողջապահութեան բաժին, գյուղխորհուրդ — գյուղական խորհուրդ և այլն) :

բ) Յերկու կամ յերեք բառերի մասերը (խմբկոլ — խմբադրական կոլեկիա, շրջործկոմ — շրջանային գործադիր կոմիտե, կենտկոմ — կենտրոնական կոմիտե և այլն) :

գ) Բառերի սկզբնատառերը (ԲՈՒՀ — բարձրագույն ուսումնական հաստատութիւն, ՄՏԿ — մեքենայական և սրահտորային կայան և այլն) :

Պատի թերթի խմբադիրներին խորհուրդ և արվում այս կարգի կրճատումներից խուսափել: Հաճախ այս կրճատումներն այնպիսի արտաոց ձևեր են ստանում, վեր ընթերցողը վռչինչ չի հասկանում: Նման կրճատ միացութիւններով կարելի չէ դործածել միայն այն բառերը, վորոնք վաղուց արդեն դործածութեան մեջ են մտել և ընթերցողներին լավ ծանոթ ու հասկանալի չեն:

ԲԱՌԵՐՆ ԻՐԱՐ ՆԿԱՏՄԱՄԲ և ըստ իրենց լմաստի լինում են.

ա) Նույնամիշ (նույն նշանակութիւնն ունեցող) այտ — թուշ, մաղ — հեր, վախ — յերկյուղ և այլն:

բ) Համանիշ (նման նշանակութիւնն ունեցող) հիանալի — սքանչելի, ավարտել — վերջացնել, նուրբ — քերուշ և այլն:

գ) Համանուն — գրութեամբ իրար նման են, նշանակութեամբ՝ տարբեր, որինակ, հոտ (վոչխարի), հոտ (ծաղկի), սեր (կաթի), սեր (գգացմունք) և այլն:

դ) Հակամիշ — իրար միանգամայն հակադիր լմաստ ունեն (սուր, բութ, կարճ, յերկար, մեծ, փոքր և այլն) :

Ա Շ Խ Ա Տ Ա Ն Ք

Գրեցեք 10 պարզ, 10 բարդ բառ, 5 նախածանցով և 5 վերջածանցով բառ:

Սույն հատվածն արտադրեցեք, ածանցյալ բառերի տակ մեկ զիծ քաշելով, բարդ բառերի տակ՝ յերկու զիծ:

«Հողը, նրա ընդերքը, ջրերը, անտառները, գործարանները, ֆարրիկները, հանքահորերը, հանքերը, յերկաթուղային, ջրային ու ֆարրիկային տրանսպորտը, բանկերը, կապի միջոցները, պետութեան կառուցման խոշոր գյուղատնտեսական ձեռնարկութիւնները (խորհրդակերպած խոշոր գյուղատնտեսական ձեռնարկութիւնները և այլն), ինչպես նաև կոմունալ ձեռնարկութիւնները և բնակարանային լըն), ինչպես նաև կոմունալ ձեռնարկութիւնները և բնակարանային լըն), ինչպես նաև կոմունալ ձեռնարկութիւնները և բնակարանային լըն), ինչպես նաև կոմունալ ձեռնարկութիւնները և բնակարանային լըն)՝ հիմնական ֆոնդը քաղաքներում ու արդյունաբերական վայրերում պետական սեփականութիւն, այսինքն համաժողովրդական ունեցվածք են»:

(ԽՍՀՄ Ստալինյան Սահմանադրութեան 6-րդ հոդվածը)

III Դ Ա Ս

ՁԵՎԱԲԱՆՈՒԹՅՈՒՆ

Խոսքի մասեր. — իտքի մասերն են՝ գոյական, ածական, թվա-
կան, դերանուն, բայ, մակբայ, կապ, շաղկապ, ձայնարկութիւն:

Գոյական կոչվում են այն բաները, վորոնք ցույց են տալիս մեզ-
նից դուրս և մեզնից անկախ գոյութիւն ունեցող վորեւէ առարկա,
կամ իրրն աշխարհին մտածված վերացական առարկա, հասկացողու-
թիւն (զիրք, սեղան, նստարան, ջուր, ող, հող, մարդ, թռչուն,
դարմանք, փառք, քաջութիւն, տանջանք):

Գոյական անունները լինում են հարուստ և հասարակ:

Հարուստ անուն կոչվում են այն գոյական անունները, վոր տըր-
վում են նույն տեսակի առարկաներից միայն մեկին առանձին վերց-
րած, այսպես են մարդկանց անունները (Տիգրան, Սուրեն և այլն),
աշխարհագրական հատուկ անունները՝ քաղաքների, գյուղերի, գե-
տերի, լճերի, ծովերի լեռների անունները (Յերևան, Հայաստան,
Կաղբեկ, Բուռ, Կիրովաբադ և այլն):

Հասարակ կոչվում են այն անունները, վոր տրվում են միևնույն
տեսակի բոլոր առարկաներին, որինակ՝ բոլոր ծառերին ասում ենք
ծառ, բոլոր կովերին՝ կով, բոլոր գրքերին՝ գիրք:

Գ Ո Յ Ա Կ Ա Ն Ի Թ Ի Վ Ը

Գոյականներն ունեն յերկու թիվ — յեզակի և հոգնակի:

Յերբ գոյականը ցույց է տալիս մեկ առարկա, յեզակի յե (որի-
նակ՝ գիրք, մատիտ, թերթ, դասախոս, ուսանող), յերբ ցույց է
տալիս մի քանի առարկա՝ հոգնակի յե (որինակ՝ գրքեր, մատիտներ,
թերթեր, դասախոսներ, ուսանողներ):

ՀՈԳՆԱԿԻ ԴԱՐՁՆԵԼՈՒ ԿԱՆՈՆԸ

ա) Միավանկ յեզակի բաները հոգնակի դարձնելու համար վեր-
ջից ավերացնում ենք եր, որինակ՝ կով—կով+եր, հավ—հավ+եր,
քար—քար+եր, սար—սար+եր:

բ) Բազմավանկ յեզակի բաները հոգնակի դարձնելիս վերջից ա-
վերացնում ենք ներ, որինակ՝ ուսանող—ուսանող+ներ, դասարան—
դասարան+ներ, նախիր—նախիր+ներ, պահարան—պահարան +ներ:

Ուշադրութիւն դարձրեք, յերբ բազմավանկ բանը յեզակի թը-
վում վերջանում է ձ տառով, հոգնակի դառնալիս յերկու Ա յե լի-

նում իրար մոտ: Գրանցից մեկը բառավերջի «ն»-ն է, մյուսը՝ «ներ» մասնիկի սկզբնատառը, որինակ՝ դասարան—ներ, պատճեն—ներ: Գրաբարից մնացած հոգնակի ձևեր են՝ վորդիք, տղայք և նմանները, փոխանակ՝ վորդիներ, տղաներ ձևերի:

Մի շարք բառեր դրաբարում վերջանում են և տառով, աշխարհաբարում ալդ և տառը դուրս է բնկել: Այժմ այդ բառերի հոգնակիում վերականգնվում է դուրս բնկած և տառը (որինակ՝ մատ—մատներ, դուռ—դռներ, ձեռ—ձեռներ և այլն):

Բարդ բառերը հոգնակի կազմելիս ա) յեթև յերկրորդ բաղադրիչ մասը միավանկ է և ալդ միավանկ բառը բարդության մեջ էլ պահում է իր նշանակությունը, հոգնակիում ստանում է «եր» մասնիկը:

բ) Յեթև ալդ միավանկ բառը բարդության մեջ իր նշանակությունը կորցնում է ու մի նոր իմաստ է ստանում, հոգնակիում ստանում է «ներ» մասնիկը (դասագիրք=դասի գիրք, հոգնակի՝ դասագրքեր, սեահող=սե հող, զորագունդ=զորքի գունդ, հոգնակի՝ սեահողեր, զորագնդեր: Բաց ձկնորս, մարդասեր նշանակում են վոչ թե ձկան փորս, մարդու սեր, այլ ձուկ փորսացող, մարդ սերող, հոգնակի՝ ձկնորսներ, մարդասերներ):

Հ Ո Լ Ո Վ Ո Ի Ս

Գոյականները, նայած թե խոսքի մեջ ինչպիսի պաշտոն ունեն, գանազան ձևերով փոփոխվում են: Գոյականի այդ փոփոխության ձևերը կոչվում են հոլով:

Առանձին հոլովները կոչվում են՝ ուղղական, հայցական, սեռական, տրական, բացառական (վերջավորությունը՝ ից, ուց), դործիական (վերջավորությունը՝ ով), ներդոյական (վերջավորությունը՝ ում):

Հայցականը նման է ուղղականին, սեռականը՝ տրականին:
Հոլովենք սեռյակ գոյականը.

	Յեզակի թիվ	Հոգնակի թիվ
Ուղղական—հայցական—	սենյակ	սենյակներ
Սեռական—տրական—	սենյակի	սենյակների
Բացառական—	սենյակից	սենյակներից
Գործիական—	սենյակով	սենյակներով
Ներդոյական—	սենյակում	սենյակներում

Գոյականների մեծ մասն այսպես են հոլովվում: Կան դոյականներ, վորոնց սեռական—տրականը վերջանում են վոչ թե ի—ով, այլ ու—ով, բացառականը՝ ուց (վորդի—վորդու, վորդուց), ուրիշները՝ աւ—ով, ոչ—ով և այլն): Ըստ այդ հատկանիշների ունենք հետևյալ հոլովումները — ի, ու, ան, փա, ով, որ, ց:

Ուղղ. հայց. — սեզան, փոսկի, դաս, որ, քույր, հայր, Տիրքանենք Սեռ.—տր. — սեզանի, փոսկու, դասն, որվա, քրոջ, հոր, Տիրքանենք

Մարդ, կին բառերը հոգնակի ունեն՝ մարդիկ, մարդկանց, մարդկանցից և այլն, կանայք, կանանց, կանանցից և այլն:

1. Գրեցեք 7 հատ միախմբի և 5 հատ բաղձախմբի գոյական անուններ, դարձրեք հոգնակի:

2. Գրեցեք 5 հատ հասարակ և 5 հատ հատուկ անուններ:

3. Հոլովեցեք հետևյալ գոյականները՝ քաղաք, գինի, այգի, ձուկ, ուսում, կառայաբություն, բորբոքում, տուն, դարուն, ամառ, բնիկ, մայր:

Ա Տ Ո Ի Գ Ի Չ Հ Ա Ր Յ Ե Ր

ա) Վերոհիշյալ և ն գոյական անունը հոգնակի դարձնելու կանոնները:

բ) Ի՞նչ շեղումներ կան այդ կանոնից.

IV Դ Ա Ս

Ա Մ Ա Կ Ա Ն

Ածական կոչվում են այն բառերը, վորոնք ցույց են տալիս առարկայի հատկութունը, վորակը, որինակ՝ կարմիր, լայն, մեծ, խելոք, կլոր, թույլ:

Ածականները գրվելով գոյական անվան վրա՝ անփոփոխ են մնում՝ որինակ՝ մեծ զիրք, մեծ զրքի, մեծ զբերք և այլն: Բայց յերբ մենակ գործածվում են իբրև գոյական, հոլովվում են ինչպես գոյականներ. որինակ՝ մեծ, մեծի, մեծից և այլն, բարի, բարու, բարուց և այլն:

Թ Վ Ա Կ Ա Ն

Թվական կոչվում են այն բառերը, վորոնք ցույց են տալիս առարկայի քանակը կամ կարգը. որինակ՝ յերեք, յոթը, ութը, ինը, տասը, տասնեկ, հիսուն, վաթսունչորս և այլն: Առաջին յերկրորդ, յերրորդ, չորրորդ, վեցերորդ, տասնհինգերորդ և այլն: Առաջինները կոչվում են քանակական թվական, յերկրորդները՝ դասական թվական:

Դասական թվականներից «առաջին» բառն առանձին կազմութուն ունի, հետևյալ յերեքը կազմվում են քանակական թվականի արմատի վրա ավելացնելով բարդ մասնիկը, իսկ մնացածներն վրա՝ երարդ մասնիկը (յերկրորդ, յերրորդ, չորրորդ, հինգերորդ, վեցերորդ, յոթներորդ, ութերորդ, իններորդ, տասներորդ, տասնվեցերորդ, յիս այլն: Դրա համար ել «յերրորդ», «չորրորդ» դասական թվականները գրվում են յերկու ընդ:

Ուշադրութուն դարձրեք նաև, վոր յոթը, ինը, տասը բառերի վերջն և տասը, վոր դուրս ե ընկել, վերականգնվում և (յոթներորդ, իններորդ, տասներորդ):

Դասական թվականները բառերով զրեկու փոխարեն կարելի չէ գրել՝

1) Հոռմեյական թվանշաններով (I, II, III, IV, V, VI, VII... XIV... XIX... XXII... XXIX, XXX... XXXV... XL, XLI... L, LI... LIX, LX, LXI...) և այլն:

2) Հայերենի այբուրենից կազմված թվանշաններով՝ ա), բ), գ), դ), ե), զ), է), լ), թ), ժ), ժա), ժբ), ժթ) ...ի), իա), իբ), ... իթ) և այլն:

Այս դեպքում ա—թ միավորներն են, ժ—դ՝ տասնավորները—
 —(ժ=10, ր=20, լ=30, խ=40, ծ=50 կ=60, հ=70, ձ=80, դ=90
 ճ—ջ՝ հարյուրավորները, ո—ք հազարավորները:

3) Արարական թվանշաններով՝ 1-ին, 2-րդ 3-րդ... 9-րդ...
 15-րդ, 176-րդ և այլն:

Թվականներն իբրև անձական գրվելով գոյականի հետ, անվտիտիս են մտնում. որինակ՝ յերկու դերք, յերկու գրքի և այլն: Բայց յերբ մենակ գործ են անվում իբրև գոյական, հոլովվում են ինչպես գոյականները. որինակ՝ վեց, վեցի, վեցից և այլն:

Յերբ գոյական անունը գործ է անվում թվականի հետ, սովորաբար այդ գոյականը, յերբ անորոշ է, դրվում է յեզակի թվով, թեև հույ նշելիս յինի մեկից ավելի առարկա (որինակ՝ վեց մարդ, յոթ կով, հինգ սրածերթ):

Գոյական անունը թվականի հետ գործածելիս հոգնակի թվով և դրվում այն դեպքում, յերբ անհրաժեշտ է հատկապես շեշտել գոյականի բարձրթիվ լինելը, առանձնապես, յերբ գոյականը վորոշ է (Բագվի 26 կոմունարները, Գերմանիայի տասնյակ հազարավոր զոր-
 ծառայողները և այլն):

Հ Ո Դ Ե Ր

Հող կոչվում են ըս, ըզ, ը (ձայնավորներից հետո՝ ս, գ, ն) բառերը, վորոնք մենակ չեն գործածվում, այլ գրվում են անվան վրա վերջից և նրա հետ միացած են դրվում. որինակ՝ գիրքըս (=իմ գիրքը), գերքըզ (=քո գիրքը), գերքը (=նրա գիրքը, կամ մի ծանոթ, վորոշ գիրք), սովորական գրությամբ՝ գիրքս, գիրքզ, գիրքը կամ գիրքն:

Դ Ե Ր Ա Ն Ո Ւ Ն

Դերանուն կոչվում են այն բառերը, վորոնք նախադասության մեջ դրվում են գոյական անվան (հատուկ կամ հասարակ) փոխարեն: Դերանվան մի քանի տեսակները կան.

ա) Անձնական (յես, դու, նա, ինքս, ինքդ, ինքը):

բ) Յուզական (այս, այդ, այն, սա, դա, նա):

գ) Ստացական (իմ, քո, իր, մեր, ձեր, իրենց):

դ) Փոխադարձ (իրար, միմյանց):

ե) Հարցական (ո՞վ, ի՞նչ, վո՞ր, քանի՞, վո՞րքան, ի՞նչքան, վո՞րպես և այլն):

Դերանուններն իբրև գոյական հոլովվում են հետևյալ ձևով՝

Յեզակի

Ուզղ. —	յես,	զու.	նա	ինքը	ս ^ո վ
Սեռ. —	իմ	քո	նրա	իր	ու ^ո մ
Տր. —	ինձ,	քեզ	նրան	իրեն	ս ^ո ւմ
Հայց. —	ինձ,	քեզ	նա, նրա	ինքը, իրեն	ս ^ո ւմ, ս ^ո վ
Բայց. —	ինձնից	քեզնից	նրանից	իրենից	ուս ^ո մից
Գործ. —	ինձնով	քեզնով	նրանով	իրենով	ուս ^ո մով
Ներգ. —	ինձնում	քեզնում	նրանում	իրենում	ուս ^ո մում

Հոգևակի

Ուզղ. —	մենք	զուք	նրանք	իրենք	սվքե ^ո ք
Սեռ. —	մեր	ձեր	նրանց	իրենց	_____
Տր. —	մեզ	ձեզ	նրանց	իրենց	_____
Հայց. —	մեզ	ձեզ	նրանց	իրենց	_____
Բայց. —	մեզնից	ձեզնից	նրանցից	իրենցից	_____
Գործ. —	մեզնով	ձեզնով	նրանցով	իրենցով	_____
Ներգ. —	մեզանում	ձեզանում	նրանցում	իրենցում	_____

Նա գերանվան պես հորովվում են՝ սա, սրա, սրան, սրանից և այլն. դա, գրա, գրան և այլն:

Այս, այդ, այն գերանունները չեն հորովվում: Գրանք հաճախ գործածվում են անսովորաբար. որինակ՝ այս գիրքը, այս դրքի և այլն:

Ածական գերանուն են նաև՝ քանի, վորքան, ինչպիսի և այլն:

Ա Շ Խ Ա Տ Ա Ն Ք

Արտադրեցիք հետևյալ հատվածը՝ ընդգծելով անսովորները, թվ-վականները և գերանունները.

«Մեր կոլտնտեսության բրիգադներն այս տարի զաշա դուրս յեկան մեծ յետանդով: Նրանք ցանքը կատարեցին վեց որում, բարձր վորակով, դառն ու արտահանած սերմով: Մրա հետևանքով այս տարի ավելի շատ բերք ենք սպասում, քան անցյալ տարի: Յանքից հետո կոլտնտեսության վարչությունը յերրորդ բրիգադին բարձրացրեց կարմիր տախտակին»:

Ա Տ Ո Ի Գ Ի Չ Հ Ա Ր Յ Ե Ր

- ա) Վ^ոք բառերն են կոչվում անսովոր:
- բ) Ածականը յե^որր չի հորովվում և յե^որր և հորովվում:
- գ) Թվականները քա^ոնի տեսակ են յինում:
- դ) Թվականը յե^որր չի հորովվում և յե^որր և հորովվում:
- ե) Գերանունները յե^որր են գործածվում:
- զ) Վորո^ոնք են գերանունների տեսակները:
- է) Վորո^ոնք են հոգերը:
- ը) Ի^ոնչ նշանակութուն ունի ս հոգը:

V Դ Ա Ս

Բ Ա Յ

Բայ կամ դիմալոր բայ կոչվում են այն բառերը, վորոնք ցույց են առլիս դործողություն կամ լինելություն (անել, լինել, և, կա) և գեմք (անձ), վորին վերագրվում և գործողությունը:

Դեմքը յերեք տեսակ և. առաջին դեմք՝ խոսող անձը (յեղակի՝ յես, հոգնակի՝ մենք), յերկրորդ գեմք՝ խոսակից անձը, վորին գիմում և խոսողը (յեղակի՝ դու, հոգնակի՝ դուք), յերրորդ գեմք՝ մի ուրիշ անձ կամ իր, վոր վոչ խոսողն և, վոչ խոսակիցը (յեղակի՝ նա, հոգնակի՝ նրանք): Որինակ՝ խոսողը գնալու գործողություն վերագրելով իրեն, ինքն իր համար ասում և գնացի (=յես գնացի, առաջին գեմքի բայ). խոսակցին վերագրելով գործողությունը՝ ասում և՛ գնացիը (=դու գնացի, յերկրորդ գեմքի բայ). Իսկ մի ուրիշէ համար՝ գնաց (=նա գնաց, յերրորդ գեմքի բայ):

Բայը յեղակի թվով և, յերբ գեմքը մի առարկա յե ցույց առլիս. հոգնակի թվով և, յերբ գեմքը մեկից ավելի առարկա յե ցույց առլիս: Որինակ՝ գնաց՝ յեղակի յե (նա մենակ գնաց). գնացին՝ հոգնակի յե (նրանք բոլորը գնացին):

Դ Ե Ր Բ Ա Յ

Բայերի արմատներից կամ բներից, ալ, ել, ած, ում, լիս, թյուն ցույց ավոդ գոյականներ և ածականներ (ու մակբայներ), վորոնք գեմք չունեն և կոչվում են գերբայ կամ անդեմ բայ. որինակ՝ գնալ, գնացած, գնալու, գնալիս, գնում, դրել, դրած, գրելու, գրելիս, դրում:

Խ Ո Ն Ա Ր Հ Ո Ի Մ

Բայի վիժվորությունները, վորոնցով կազմվում են բայի ձևերը, կոչվում են խոնարհում: Ձևերը պարզ են, յերբ մի բառ են, բաղադրյալ են, յերբ կազմված են մի գերբայից և եմ կամ լինեմ բայերի ձևերից:

Բայի ձևերը ցույց են առլիս՝ գեմք, թիվ, ժամանակ (ներկա, անցյալ, ապառնի) և յեղանակ (սահմանական, հրամայական, րզձահան, յենթադրական, հարկադրական):

ԲԱՅԻ ԽՈՆԱՐՀՄԱՆ ՊԱՏԿԵՐԸ

(Գլխավոր ձեվերը)

ՍԱՀՄԱՆՍԻԱՆ ՅԵՂԱՆՍԿ

Ներկա

Յեզազի

Գրում էմ

Գրում էս

Գրում է

Հոգնակի

Գրում ենք

Գրում եք

Գրում են

Անցյալ տեղատար

Գրում էյի

Գրում էյիք

Գրում եք

Գրում էյինք

Գրում էյիք

Գրում էյին

Ապագայի

Գրելու յեմ

Գրելու յես

Գրելու յե

Գրելու յենք

Գրելու յեք

Գրելու յեն

Ապագայի տեղյալ

Գրելու էյի

Գրելու էյիք

Գրելու յեք

Գրելու էյինք

Գրելու էյիք

Գրելու էյին

Վարդականատար

Գրել էմ

Գրել էս

Գրել է

Գրել ենք

Գրել եք

Գրել են

Վարդականատար տեղյալ

Գրել էյի

Գրել էյիք

Գրել եք

Գրել էյինք

Գրել էյիք

Գրել էյին

Հարստեղատար

Գրած էմ

Գրած էս

Գրած է

Գրած ենք

Գրած եք

Գրած են

Հարստեղատար տեղյալ

Գրած էյի

Գրած էյիք

Գրած եք

Գրած էյինք

Գրած էյիք

Գրած էյին

Անցյալ կատարյալ

Գրեցի
Գրեցիք
Գրեց

Գրեցինք
Գրեցիք
Գրեցին

Հրամայական

Գրե՛ր

Գրեցե՛ք

(Ունի միայն յերկրորդ դեմք)

ԸՂԶԱԿԱՆ ՅԵՂԱՆԱԿ

Ապառնի

Գրեմ
Գրես
Գրի

Գրենք
Գրեք
Գրեն

Քապառնի անցյալ

Գրեյի
Գրեյիր
Գրեր

Գրեյինք
Գրեյիք
Գրեյին

ՅԵՆԹԱԴՐԱԿԱՆ ՅԵՂԱՆԱԿ

Ապառնի կամ ներկա

Կը գրեմ
Կը գրես
Կը գրի

Կը գրենք
Կը գրեք
Կը գրեն

Յեցյալ

Կը գրեյի
Կը գրեյիր
Կը գրեր

Կը գրեյինք
Կը գրեյիք
Կը գրեյին*)

Յենթադրական անցյալը կոչվում է նաև «պայմանական»

ՀԱՐԿԱԴՐԱԿԱՆ ՅԵՂԱՆԱԿ

Ապառնի կամ ներկա

Պիտի գրեմ
Պիտի գրես
Պիտի գրի

Պիտի գրենք
Պիտի գրեք
Պիտի գրեն

Անցյալ

Պիտի գրեյի
Պիտի գրեյիր
Պիտի գրեր

Պիտի գրեյինք
Պիտի գրեյիք
Պիտի գրեյին

*) Այս ձևերը սովորական գրությամբ գրվում են առանց ը տառի:

Կան և անկանոն բայեր, վորոնք խոնարհման այս ընդհանուր կանոնին չեն յենթարկվում, այլ շեղվում են դրանից. որինակ՝ գալ բայի ներկա ժամանակը կլինի գալիս եմ և վոչ թե գալում եմ, ինչպես ասում են վորոչ բարբառներում: Լալ—լալիս եմ և վոչ թե լալում եմ, տալ—տալիս եմ և վոչ թե տալում եմ: Բայց՝ կարդալ—կարդում եմ, հաղալ—հաղում եմ: Առաջին յերեքն անկանոն բայեր են, վերջին յերկուսը՝ կանոնավոր:

Մ Ա Կ Բ Ա Յ

Մակրայ կոչվում են այն բառերը, վորոնք խոսքի մեջ վորոշում են բայի ցույց տալած գործողութեան ձևը, (առաջին բրիզազն իր պլանը կատարում և հարվածաշարեն) կամ ամականի ցույց տալած վորակի աստիճանը (ալեկի մեծ, շատ մեծ):

ԿԱՊ, ՇԱՂԱՊ, ԱՆՅՆԱՐԿՈՒԹՅՈՒՆ

Կապ (նախադրութեան և հետադրութեան) կոչվում են այն բառերը, վորոնք նախադասութեան մի անդամը կապում են իր լրացման հետ (դնում եմ դեպի տուն):

Շաղկապ կոչվում են այն բառերը, վորոնք կապում են նախադասութեանը նախադասութեան հետ կամ նախադասութեան համադասանդամները միմյանց հետ (դյուղթղթակիցը պնաց դաշա և ուսումնաբերեց այնտեղ կատարվող աշխատանքը: Մարկուսը հայտնեց, վոր իրենց թերթը լույս և տեսնելու վաղը):

Չայնարկութեան կոչվում են այն բառերը, վորոնք արտահայտում են խոսողի զգացմունքը, վերաբերմունքն այս կամ այն յերևույթին (ա՛խ, ո՛հ, հե՛յ, ալա՛ղ և այլն):

Ա Շ Խ Ա Տ Ա Ն Բ

Խոնարհեցեք վաղել բայը:

VI Դ Ա Ա

ՆԱԽԱԳԱՍՈՒԹՅՈՒՆ

Նախադասություն կոչվում է մեկ կամ մի քանի բառով արտահայտած միտքը (մտածությունը)։ Որինակ՝ պատի բերքը լույս տեսավ։ Խմբիվը կազմակերպեց բերքի բարձրաձայն ընթերցանություն։ Շտապեմք։ Գործը սպասում է մեզ։ Սրանցից յուրաքանչյուրը մի միտք է արտահայտում, ուրեմն և մի նախադասություն է։

ՊԱՐԶ ՅԵՎ ԲԱՐԳ ՆԱՍՄԻՍՈՒԹՅՈՒՆՆԵՐ

Հաճախ մի քանի նախադասություն չաղկապելով իրար հետ՝ կազմում են մի բարդ նախադասություն, որինակ՝ Արամը գյուղ բնակեց, վարպետի խմբիվի նիստից չուշանա։ Սա յերկու պարզ նախադասություններից կազմված մի բարդ նախադասություն է, վորի մեջ յերկու միտք է արտահայտված. 1) Արամը գյուղ շտապեց, 2) խմբիվի նիստից չուշանա։ «Վարպետի» բառը չաղկապ է։

Ա Ա Ա Յ Վ Ա Ա

Առաջված կոչվում են պարզ և բարդ նախադասությունները, յերբ առանձին վերցրած մի ամբողջացած, լրացած միտք են արտահայտում։ Որինակ՝ 1) Բերքահավաքն սկսվել է։ 2) Մենք մեր տասնորյա բերքը դարձրինք հեզորյա, վարպետի ավելի լավ լուսարանեմք բերքահավաքի խնդիրները։ Սրանցից առաջինը պարզ նախադասություն է և միաժամանակ մի առաջված, յերկրորդը բարդ նախադասություն է և միաժամանակ մի առաջված։ Բայց յերկրորդ նախադասության յերկրորդ մասը (վարպետի ավելի լավ լուսարանեմք բերքահավաքի խնդիրները) առաջված չէ, քանի վոր առանձին վերցրած լրիվ միտք չի արտահայտում։

Մենք խոսում ենք առաջվածներով։ Մի՞թե չհաջորդող առաջվածներից են կազմվում մեր խոսվածքը, պատմվածքը, հոգվածը, բանաստեղծությունը և այլն։ Ամեն առաջվածից հետո դրվում է վերջակետ։



Յերբմն յերկու նախադասություններն իրար հետ չաղկապվում են վոչ հաջորդաբար, այլ մեկը մյուսի մեջ մտնելով. որինակ՝ Արամբ, վոք հեռակայոդ ե, այսար պարապմունքի չի յեկել: Այստեղ գլխավոր նախադասությունն է՝ Արամն այսար պարապմունքի չի յեկել: «Հեռակայոդ ե» յերկրորդական միջադաս նախադասությունն է, վոր մտել է գլխավոր նախադասության մեջ:

ՆԱԽԱԳԱՍՈՒԹՅԱՆ ԱՆԴԱՄՆԵՐԸ

Նախադասության գլխավոր անդամներն են ստորոգյալ և յեմբակա:

Ստորոգյալը ցույց և տալիս փորձե գործողություն, փիճակ, գրություն, հատկություն, վոր վերագրվում է յենթակային կամ ըստորոգվում է յենթակայի վրա:

Յեմբական ցույց և տալիս այն առարկան, վորին վերագրվում է կամ վորի վրա ստորոգվում է գործողությունը, փիճակը, հատկությունը:

Բացի յենթակայից և ստորոգյալից՝ նախադասություն կազմելու համար հարկավոր է նաև ստորոգում ցույց տվող մի բառ, վորով յենթական և ստորոգյալը կապվում են միմյանց հետ: Այդ բառն է եմ, լինեմ եյական բայը, վոր կարող է լինել նախադասության մեջ կամ չլինել, բայց բայի հետ հասկացվել, յենթադրվել: Որինակ՝ վարդանը կարդում է: Այստեղ վարդանը յենթականն է (գործողություն կատարողը), կարդում է ստորոգյալն է (յենթակայի կատարած գործողությունը ցույց տվող անդամը), վորի հետ կա նաև ե եյական բայը:

«Տունը բարձր է»: Այստեղ տունը յենթականն է, բարձր ածականն ստորոգյալն է (յենթակայի հատկությունը ցույց տվող բառը) և ե՝ եյական բայը: «Վարդանը կարդաց»: Վարդանը՝ յենթակա, կարդաց՝ ստորոգյալ, վորի հետ յենթադրվում է և եյական բայը:

Նախադասության մյուս անդամները յենթակայի կամ ստորոգյալի լրացումներն են, կամ լրացման լրացումները, վորոնք միտքն ավելի յեն ընդարձակում ու պարզաբանում, ցույց են տալիս տեղը, ժամանակը, ձևը և այլն:

Ձ Ե Ղ Ձ ՈՒ Մ

Պատահում է, վոր նախադասության մեջ յենթական կամ ստորոգյալը և մյուս անդամները զեղչվում են, այսինքն բառերով արտահայտված չեն լինում, այլ հասկացվում են իմաստով: Որինակ՝ յես գիրք եմ կարդում, իսկ դու՝ լրագիր: Յերկրորդ նախադասության մեջ զեղչված է «յես կարդում», լրիվ կլիներ այսպես՝ յես գիրք եմ կարդում, իսկ դու լրագիր ես կարդում:

ՀԱՄԱԶԱՅՆՈՒԹՅՈՒՆ

Յենթական և բայր իրենց դեմքով ու թվով համաձայն են դըր-
վում: Յեթև յենթական յեղակի յե, բայն էլ յեղակի թվով և դըրվում:
Յեթև յենթական յերրորդ դեմքի յե, բայն էլ յերրորդ դեմքով և
դըրվում:

Որինակ՝ հնձվորը գնաց, տրակտորիստը գործը վերջացրեց, ու-
սանողը կարդում է, ծառը բարձր է:

Այս նախադասութիւնների մեջ յեղակի յեն և՛ յենթական, և՛ բա-
յր:

Հնձվորները գնացին, տրակտորիստները գործը վերջացրին, ու-
սանողները կարդում են, ծառերը բարձր են:

Այստեղ յենթակաները հոգնակի դարձան, հոգնակի դարձան նաև
բայերը:

Բազմակի յենթակաների բայը դըրվում է հոգնակի, որինակ՝ Տիգ-
րանը, վարդանը և Սուրենը գնացին:

ՇԱՐԱԴԱՍՈՒԹՅՈՒՆ

Հայերենում բառադասութիւնը նախադասութեան մեջ ընդհան-
րապես ազատ է: Ստորոգյալը դըրվում է սովորաբար յենթակայից հե-
տո (պարապմունքն սկսվեց): Սակայն վորոշ դեպքերում, այս կամ
այն իմաստը շեշտելու համար, կարող է յենթակայի ու ստորոգյալի
տեղափոխութիւն արվել: Նույնպես և լրացումների նկատմամբ:

ՍՏՈՒԳԻԶ ՀԱՐՅԵՐ

1. Ի՞նչ է նախադասութիւնը:

2. Ի՞նչպիսի նախադասութիւններ են լինում:

3. Ի՞նչ է ասացվածը:

4. Վո՞րոնք են նախադասութեան գլխավոր անդամները:

5. Կարո՞ղ ե լինել նախադասութիւն՝ առանց յենթակայի կամ ա-

ռանց ստորոգյալի:

6. Կարո՞ղ ե նախադասութիւն կազմվել առանց եյական բայի
կամ «կայի»:

VII Դ Ա Ս

ԿԵՏԱԳՐՈՒԹՅՈՒՆ

Կետադրութեան նշանները գրավոր խոսքի մեջ խիստ կարևոր դեր են կատարում: Առանց այդ նշանների հաճախ մտքերն ախպետ կխառնվեն, վոր վոչ միայն բան չի հասկացվի, այլ նույնիսկ հակառակ իմաստը կստացվի:

Կետադրութեան նշանները բաժանվում են 3 խմբի.

1. ՏՐՈՂՈՒԹՅԱՆ ՆՇԱՆՆԵՐ—վերջակետ (:), միջակետ (.), ստորակետ (,) և բուլթ ('):

2. ԱՌՈՂԱՆՈՒԹՅԱՆ ՆՇԱՆՆԵՐ—չեչում ('), հարցական նշան (°) և բացականչական նշան ('):

3. ԲԱՅԱՀԱՅՏՄԱՆ ՆՇԱՆՆԵՐ — շահերտոներ (,, ,, կամ « »), փակագծեր (), կախման կետեր (...), բազմակետ (.....), դիմ (—), յենթամաս (-), ապաթարց ('):

Վերջակետը դրվում է յուրաքանչյուր պարզ և բարդ նախադասութեան վերջում, յերբ նախադասութեանը ամբողջացած, լրացած միտք է հայտնում և մի առանձին ասացմամբ է կազմում:

Միջակետը դրվում է ա) բարդ համադաս. նախադասութեան մեջ համադաս նախադասութեաններից հետո. որինակ՝ բոլոր բրիդադները դաշտ դուրս յեկան. գերանդիներն ու մանդադները պատրաստ էլին. խմբիդն իր թերթը դաշտ փոխադրեց. հնձի յետուն չքջանն սկսվում էր: Այսպիսի նախադասութեանները վերջակետով էլ են բաժանվում իրարից:

բ) Ուրիշիչ ուղղակի խոսքը մեջ բերելիս, այդ խոսքից անմիջապես առաջ. որինակ՝ խմբագիրն ասաց. «Տղերք, մեր թերթի այս համարն անցյալից ավելի լավ դուրս յեկավ»:

Ստորակետը դրվում է՝ ա) գլխափոր ու յերկրորդական նախադասութեանների միջև (քեզ ասացի, վոր դնաս, թերթը բերես):

բ) Նախադասութեան բազմակի համադաս անդամների միջև (Արամը, Սուրենը, Մարկոսը և Խորենը խմբիդի անդամներ են):

գ) Միջանկյալ բառերի և միջադաս յերկրորդական նախադասութեանների յերկու կողմերում. 1) Մեր թերթը, իհարկէ, ամենահաջողն է: 2) Մարկոսը, վոր յերեկ մեր տանն էր, արդեն մեկնել է քաղաք:

«Յեւի» շարկապից առաջ ստորակետ է դրվում այն գեպքում, յերբ հաջորդ նախադասութեան մեջ յենթական փոխվում է (նախադասը

դիտեալ, վոր յես դնալու յեմ՝ և ինձ սպասում ե), նաև այն դեպքում, յերբ այդ «և»-ը շեղոված և գործածվում (Յե՛վ Արամը, և՛ Վահանը, և՛ Մարկոսը ճիշտ ժամանակին յեկան) :

Բուժքը դրվում է ա) բացահայտյալի վրա (հիմա կգա Արամը՝ մեր թերթի խմբագիրը) : Բուժի փոխարեն այս դեպքում դրվում է նաև ստորակետ :

բ) Ուրիշի ուղղակի, բայց չառ կարճ խոսքից առաջ (նա ասաց՝ ուղում եմ) :

գ) Յերբ գեղջվում է ստորոգյալը (յես խմբագիր եմ, դու՛ թըղ-թակից) :

դ) Դերբայական լրացումով արտահայտած պարագայի վրա (այդ մասին տեղեկանալով՝ տուն չտապեցի) :

Ենչոր դրվում է այն բառի վրա, վոր պիտի արտասանվի շեղ-ված :

Հարցական նշանը դրվում է այն բառի վրա, վորով հարցում է սրվում :

Չակերտները գործ են ածվում ուրիշի ուղղակի խոսքը մեջ բեր-լիս :

Գրելիս չակերտների մեջ են տննում նաև թերթերի, ամսագրե-րի, գրքերի անունները :

Չակերտները գործ են ածվում նաև ծաղրական խմաստով :

Փակագծերի մեջ են տննվում այն միջանկյալ բառերն ու նախա-դասությունները, վորոնք հիմնական նախադասության հետ միասին հետափոր կապ ունեն :

Կախման կետեր դրվում են կիսառ արտահայտած նախադասու-թյան վերջում :

Գիծը դրվում է այն ժամանակ, յերբ հաջորդաբար գրում են խո-սակիցների անմիջական խոսքերը :

Որինակ՝

Արամը հարցրեց,

— Այսօր խմբիդի նիստ լի՞նելու յի :

— Վոչ, հետաձգվել է, — պատասխանեց Տիգրանը :

— Ինչու՞ :

— Գնալու յենք չըջանային կենտրոն :

Գծով նաև անջատվում են նախադասությունները :

Գծիկը դրվում է յերկու բառ իրար միացնելու դեպքում (խոր-ճիթ-ընթերցարան, աման-չաման) :

Յեկրախան դրվում է ոտղադարձի ժամանակ :

Ապաքարցը՝ սղված ձայնափորի ը-ի փոխարեն — կասեմ, կ'առնի : Բայց ապաքարցը քիչ է գործածվում, գրում ենք՝ կասեմ, կառնեմ :

ԱՇԽԱՏԱՆԻՔ

Գրեցեք մի փոքրիկ հոդված, վորի մեջ գործածեք բոլոր կետա-դրական նշանները :

VIII Դ Ա Ս

Վ Ո Ջ Ը

Լեզվի կոնսուլտանտը պետք է հետևի հեռակայողների վոճի հըստակությանը, պարզությանը, հարստությանը:

Պետք է հեռակել, մոր կազմված թղթակցությունների մեջ ավելորդաբանություններ ու կրկնություններ չլինեն: Վոճի հստակությունը խիստ անհրաժեշտ բան է թերթում աշխատողի համար:

Նյութի բնութից ել բլխում է վոճը: Որինակ՝ ազրոտեխնիկային վերաբերող հոգվածը պիտի զբված լինի ավելի պիտական վոճով, առանց ավելորդ պաճուճանքների, իսկ դաշտում աշխատողների թափն ու խանդավառությունը նկարագրելիս կարելի յե զեղարվեստական թեքում տալ զբվածքին:

Գլխավորն այն է, զմոր զրոզն ամենից առաջ լավ տիրապետի իր նյութին, պարզորեն գիտենա, թե ինչ խնդիր է արժարժում, ինչ լուծում է պահանջում և կարողանա իր մտքերը վորոշ հաջորդականությամբ պարզել:

Պետք է խուսափել յերկար ու տաղտկալի առաջարաններից: Բիչ չի պատահում, մոր մի փոքրիկ փաստ հաղորդելու համար թղթակիցըն սկսում է դատողություններ անել շատ հետուններից և իր նախաբանն այնքան է ձղձգում, մոր նրա ծանրության տակ կորչում է հիմնական խնդիրը, վորի մասին ուզում է զրել:

Վոճի, զբվածքի պարզության, պատկերավորության, ավելորդաբանությունների, բասերի սխալ գործածության և նման խնդիրների մասին խոսելիս առավելապես պետք է ողտագործել հեռակայողների զրավոր աշխատանքները:

Մեկի զբածը պետք է տալ մյուսին՝ ուղղելու: Հաջող զբված նյութերը պետք է կարգալ բլխորի առաջ և բացատրել, թե վորոնք են նրա առավելությունները:

Պետք է խուսափել դավառարարաններից, ոտար բասերի անտեղի գործածությունից, զեհկարանությունից և զբարարարանությունից: Պատի թերթի լեզուն պետք է լիովին հասկանալի լինի իր բնթերցողներին:

Այս նպատակին պիտի հետապնդի լեզվի կոնսուլտանտը: Այս նըպատակին պիտի հետապնդեն նաև հեռակայողները:



Հանձնված է արտադրության 28 մայիսի 1937 թ.


Ստորագրված է սպաղրելու 20/VI 1937 թ.

Պատվեր № 24

Տիրաժ 1800

Գրապիտա № 373

ՀԿ(Բ)Կ ԿԿ ՀՐԱՏԵՐԱԿԶՈՒԹՅԱՆ «ԽՈՐՀՐԳՅԵՆ ՀԱՅԱՍՏԱՆԻ»
ՏՊԱԿԱՆ, ՅԵՐԵՎԱՆ



323

A II
1313

~~ՏԲԼԱՆՍ Ե ԶԻ~~ ՇԴԿ.

АРМЯНСКИЙ ЯЗЫК
Задание 5-ое

Составил А. АРУТЮНЬЯН
Редакт. проф. М. АБЕГЯН

Проз. 1940г.

Проз.

Издательство ЦККП(б)А „Хорурдан Айастан“
Ереван—1937 г.



ԳԱԱ Հիմնարար Գիտ. Գրադ.



FL0013028

ЦЕНА

11
13132

